



26. august 2014

UKA2014/81

Inatsisartut suleriaasianni § 36 naapertorlugu apeqquteqaat aallaavigalugu oqallisissiaq imaattoq saqqummiuppara:

**Nunatsinni tamani nunaqarfinni illoqarfinnilu meqqerivinnik sanaartornissaq pillugu misissuisoqarnissaanik siunersuut apeqquteqaat aallaavigalugu oqallittoqarnissaanik siunnersuut matumuuna saqqummiuppara.**

(Inatsisartunut ilaasortaq Hans Enoksen Partii Naleraq)

**Tunngavilersuut:**

Nunatsinni meeqqat inuunerissaarnerullutik atugaqarnissaat tamatta ilungersuupparput pingaartumik meeraanermi toqqisisimallutik peroriartornissaat eqqarsaatigalugu.

Nunatsinni sumiiffippassuarni meeqqeriviit amigaataapput pingaartumik illoqarfiiit isorliunersut nunaqarfiiillu eqqarsaatigalugit.

Naalakkersuinikkut aalajangersaaffigineqarnikuovoq meeqqat tamarmik atualinnginnerminni pinngitsooratik meeqqerivinni inissaqarnissaat qulaqqeerneqartassasoq. Kisianni sumiiffinni amerlasoorpassuarni taamatut periarfissaqartitsisoqanngilaq, allaammi angajoqqaat sulinissaminnut periarfissaqarusukkaluartut paarsisussaqannginnertik pillugu angerlarsimaannartariaqartarput, meeqqat isumannannaatsumik paarsisussaqannginnerat pissutigalugu.

Assersuut avannaani, nunaqarfiiit aalisarnikkut ineriartortut assorujussuaq meeqqerivinnik amigaateqarput, uffalu aalajangersaasoqarnikuusoq meeqqat atualinnginnerminni pinngitsooratik tamarmik meeqqerivinni inissinneqartassasut.

Tassami imaassanngilaq, kommunit aningasaqarnikkut inissismalluarnerusut kisimik meerartaat meeqqerivinni inissaqarnissaat qulaqqeerneqartassasoq.

Taamaattumik siunissami meeqqeriviit inerisarneqarnissaat nutaanillu sanaartornissat pilersaarusrisorfigalugit aallartittariaqarput, tassami pinngitsoorani Naalakkersuinikkut aalajangersaasimagaani aamma malinneqarnissaat pisussaaffiuvoq saneqquneqarsinnaanngitsoq.

Oqallilluarisi!

Hans Enoksen  
Partii Naleraq  
Itilleq 15-08-2014